

logo primo ostenditur scriptor hujus evangelii, 2°. eius auctoritas &c. Ipsius Operis: *Liber generationis. Evangelium Mathei diuiditur in 2. partes primo stabilitur subiectum ostendendo christum esse verum hominem &c. Finis totius: ut sic non deficiat fides petri. Ad laudem et gloriam domini nostri &c. Additur: Scriptum tercia feria ante festum pasche. Annus non comparet.*

## CLXIX.

U. 74 Codex chartaceus lat. Sec. XV. Folior. 300. 4. currente calamo scriptus continet Expositionem scholasticam *Evangelii Matthaei*, quae ita ingreditur: *Sacratissime evangelice doctrine seminator b. Matheus ut mentibus fidelium evangelij fluentia artius instillaret &c. Desunt hinc inde quaedam, et finis est: dignetur perducere, ut sibi correpnemus per infinita secula, quod nobis concedat ipsa trinitas increata super omnia benedicta Amen. Tergo Codicis manu Sec. XVI. inscriptum: M. Mich. Suechensbaz In Evange. Mathaei. Initio Sec. XV. floruit hic Theol. Doctor et ad D. Stephani Canonicus, ejusque memoria in Scriptoribus nostris Academicis non nisi ad an. 1414. pertingit. Rectoratum gessit a. 1409. Ad de eo et reliquis ejus Scriptis, si lubet, *Scriptores Univ. Vien. P. I. p. 64.* Id asserere amsim, non paucas hujusmodi Doctorum Academiae *Vindob.* lucubrationes, sive sacram eruditionem, sive metho-*

dum, aut stilum spectes, nihil concedere aliis, quibus fors obtulit, ut a primis Typographis prelo excuderentur.

## CLXX.

U. 141 Codex chartaceus lat. Sec. XV. Folior. 495. f. per duas columnas probe exaratus, et rubricis pernotatus *Commentaria in totum D. Matthaei Evangelium* complectitur. Introductio incipit: *In nomine domini amen. 1449. Lecturus evangelium beati mathei ante aggressum textus evangelici aliqua preambula premittam &c. Exponuntur deinceps gemini etiam Prologi, tandemque textus hoc initio: Liber generationis Ihesu Christi &c. Istud evangelium beati Matt. diuiditur in duas partes. Nam in prima ostendit christum esse verum Deum et verum hominem &c. Terminatur vero: ut sibi correpnemus per infinita secula, quod nobis concedat ipsa trinitas increata super omnia benedicta Amen. Et rubro: In vigilia laurenti Anno M° CCCC. 50. Jam ubi? In fol. Codici praevio lego: Anno domini 1449. fui admissus ad legendum cursus et in vigilia simonis et Jude incepti legere hunc librum quem finiui in vigilia laurenti. Et in Theca anteriore: Iste liber est magistri Sigismundi de lengenueld; aliaque manu: Magister Sigismundus obrecht de Lengenueldt in theologia baccalarius posonijque (que et bistropolis dicitur) cum erigeretur Vniuersitas ex primis collegiatis hunc librum loco trium florenor. Vngaric. quos*

quos de gradibus in facultate perceptis eidem debuit, coram tota facultate existente obtulit. Itaque credi posset, Commentaria haec praelecta fuisse in nova hac Studiorum Universitate, quam agente potissimum Job. Vitezio Archiep. Strigon. instituit magnus ille Rex Mathias, nisi Institutio primum in annum 1467. caderet, ut habes in Memoria Academiae Istropolit. Xysti Schierii Eremitae August. Vien. 1774. 4. cujus Opusculis eruditus et jam inventu difficilibus novus sane Collector et Editor optandus foret. Viennae igitur Cathedram ornavit Obrechtus noster patriam nactus Toparchiam non procul distitam Cremisio infer. Austriae; an vero inter majores Obrechtorum, qui deinceps Argentinae claruerunt, fuerit, dicere non habeo. In Academia nostra magistratum, quod sciam, nullum gessit. Quid a mox soluta Istropolitana cum eo actum, non constat; Schierii enim in mox citata Memoria diligentiam fugit.

## CLXXI.

- U. 146 Codex chartaceus lat. Sec. XV. Folior. 298. f. per duas columnas bene scriptus, et minio distinctus est Lectura scholastica in D. Matthaei Evangelium, cujus Πогоλεγόμενα incipiunt: *In exordio aëus presentis tria sunt per me facienda. Primo divini auxilij invocacio &c.* Reliqua duo, ut mos ferebat, sunt S. Scripturae Laus, et quaedam Lectoris de se ipso. Exposito dein Hieronymi Prologo

ad ipsum Textum sic accedit Noster: *Liber generacionis &c. Hic incipitur tractatus qui dividitur in 4. partes principales secundum quatuor que regalem decent et magnificent dignitatem scilicet genealoya sapientia potencia et clemencia &c.* Extrema sunt: *Pondera igitur elementorum non prohibent quin corpora nostra talia possint habitare in celo. Amen.* Addidit Librarius: *Expliciunt concordancia passionum Mat. Marc. Luce et Job.* Nec immerito; in postremis enim maxime Capitibus Loca harmonica aliorum Evangelistarum Matthaeo adhibentur. Fol. praevio quaedam leguntur inscripta: *Ex collectis magistri Jacobelli (de Misa) heretici, qui ponit necessariam esse communionem sub utraque specie licet hic de hoc nihil habeatur, sed de confessione.* Et re ipsa secretam fide auricularem astute suffodit, unde ad marginem monuit Possessor quidam Codicis: *Vide caute, venenum latet;* et p. 2. *Nota iste liber venit de bohemia, sis igitur cautus in eo legendo uel studendo.* Ego vero Locis de Clavium potestate, de Paupertate Apostolorum, et institutione S. Coenae examinatis nihil ab Ecclesiae nostrae sensu alienum deprehendi.

## CLXXII.

- U. 137 Codex chartaceus lat. Sec. XV. Folior. 435. f. corrente calamo perscriptus, et rubricis enotatus, olimque, ut anterior Theca praefert, legatus ad librariam domus collegij ducalis Wienne apud fratres